

BOSNA I HERCEGOVINA

FEDERACIJA BOSNE I HERCEGOVINE

BOSANSKO-PODRINJSKI KANTON

JAVNO PREDUZEĆE „BOSANSKO-PODRINJSKE ŠUME“ d.o.o.

GORAŽDE

SKUPŠTINA

Broj: 17/2015.

Datum: 23.03 2015. godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj 12/03, 34/03, 65/13) člana 7. Zakona o javnim preduzećima u Federaciji Bosne i Hercegovine („Službene novine F BiH“, broj 8/05), člana 13. Statuta JP „Bosansko-podrinjske šume“ d.o.o. Goražde („Službene novine BPK“, broj 2/07, 8/11, 9/12) i Odluke Skupštine Preduzeća broj 12/2015. od 23.03.2015.godine, Skupština JP „Bosansko-podrinjske šume“ d.o.o Goražde raspisuje :

JAVNI OGLAS

ZA IZBOR I IMENOVANJE PREDSJEDNIKA I ČLANOVA NADZORNOG ODBORA

JP „BOSANSKO-PODRINJSKE ŠUME“ d.o.o. GORAŽDE

1. Objavljuje se Javni oglas za izbor i imenovanje kandidata za predsjednika i članove Nadzornog odbora JP „Bosansko-podrinjske šume“ d.o.o. Goražde.

2. Opis pozicije:

Nadzorni odbor, pored nadležnosti utvrđenih u Zakonu o privrednim društvima ima i slijedeće nadležnosti:

- •nadzire rad uprave Društva
- •nadzire poslovanje Društva
- •priprema poslovnike i predlaže ih Skupštini
- •priprema Etički kodeks i predlaže ga Skupštini
- •vrši izbor kandidata Odbora za reviziju i podnosi prijedlog za njegovo imenovanje Skupštini
- •razmatra provedbeni propis za postupak nabavki i nadzire njegovo provođenje

- •daje mišljenje Skupštini o prijedlogu uprave za raspodjelu profita
- •predlaže način pokrića gubitaka
- •imenuje i razrješava članove uprave u skladu sa važećim propisima
- •daje ovlaštenja za aktivnosti koje su ograničene propisima Zakona o javnim preduzećima

- •daje upute direktoru za provođenje uviđaja u vezi sa uočenim nepravilnostima
- •ispituje da li je godišnji obračun sačinjen u skladu sa važećim propisima i poslovnim knjigama, te da li su poslovne knjige uredno vođene
- •usvaja izvještaj uprave o poslovanju po polugodišnjem i godišnjem obračunu, sa bilansom stanja i bilansom uspjeha i izvještajem revizije
- •podnosi Skupštini godišnji izvještaj o poslovanju Društva, koji obavezno uključuje izvještaj revizora, izvještaj o radu Nadzornog odbora i Odbora za reviziju i plan poslovanja za narednu poslovnu godinu, u okvirima postojećeg plana i revidiranog plana
- •odobrava kupovinu, prodaju, zamjenu, uzimanje u lizing i druge transakcije imovinom, direktno ili posredstvom supsidijarnih društava u toku poslovne godine u obimu od 15% (petnaest odsto) do 33% (trideset i tri odsto) knjigovodstvene vrijednosti ukupne imovine Društva
- •saziva Skupštinu Društva
- •nadzire Upravu u provođenju preporuka datih od strane Odbora za reviziju
- •sistematski nadzor nad poslovanjem i zakonitošću poslovanja Društva
- •nagrađuje menadžment i upravu za uspješan rad i poslovanje
- •drugi poslovi predviđeni zakonom

3. Mandat

Nadzorni odbor imenuje Skupština JP “Bosansko-podrinjske šume” d.o.o. Goražde.

Nadzorni odbor sastoji se od predsjednika i dva člana.

Mandat predsjednika i članova Nadzornog odbora traje četiri godine, sa mogućnošću ponovnog imenovanja.

Predsjednik i članovi Nadzornog odbora za svoj rad primaju naknadu u skladu sa propisima o naknadama za rad u nadzornim odborima.

4. Uvjeti

Kandidat treba da ispunjava slijedeće uvjete:

- **•Opći uvjeti**
- •da je državljanin Bosne i Hercegovine
- •da je osoba starija od 18 godina i mlađa od 65 godina na dan imenovanja
- •da nije otpušten iz službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja konkursa
- •da se na njega ne odnosi član IX. tačka 1. Ustava Bosne i Hercegovine
- •da nije osuđivan za krivično djelo ili privredni prestup koji predstavlja smetnju za imenovanje na upraznjenu poziciju, u roku od 5 (pet) godina od dana pravosnažnosti presude, isključujući vrijeme zatvorske kazne, prije dana objavljivanja upražnjene pozicije
- •da nije lice kojem je presudom suda zabranjeno obavljanje dužnosti u nadležnosti Nadzornog odbora
- •da nije izabrani zvaničnik, nosilac izvršnih funkcija ili savjetnik izabranim zvaničnicima i nosiocima izvršnih funkcija u smislu člana 5. Zakona o sukobu interesa u institucijama vlasti Bosne i Hercegovine
- •da nije u funkciji u političkoj stranci u smislu člana 5. Zakona o ministarskim, vladinim i drugim imenovanjima F BiH
- •da nema privatni finansijski interes u javnom preduzeću u koje se kandiduje

Posebni uvjeti

- da ima završenu VSS i to: biotehničkih, tehničkih, prirodnih ili društvenih nauka
- da ima najmanje 1 (jednu) godinu radnog iskustva u struci od dana diplomiranja,

- da u trenutku podnošenja prijave nije član više od jednog organa upravljanja
- da posjeduje znanje vezano za nadležnost i rad Nadzornog odbora i način rada organa upravljanja privrednim društvima

Provjera stručnog znanja vezano za nadležnosti i rad Nadzornog odbora i načina rada organa upravljanja privrednim društvima vršit će se putem intervjua svih kandidata.

Prilikom procjene kvalifikacija i iskustva kandidata uzet će se u obzir i slijedeće:

- sposobnost prepoznavanja, zastupanja i zaštite interesa privrednog društva
- sposobnost za odgovorno obavljanje dužnosti člana Nadzornog odbora
- izražena inicijativnost i neovisnost u radu i donošenju odluka

- poznavanje ukupnog zakonodavstva na području djelovanja Nadzornog odbora

- rezultati rada ostvareni tokom dosadašnjeg rada

- iskustvo u poslovima rukovođenja i u radu organa upravljanja

- posjedovanje cerifikata o usavršavanju (edukaciji) predsjednika i članova nadzornih odbora

Potrebni dokumenti (original ili ovjerena kopija)

- •kraća biografija, sa adresom i brojem telefona
- •fakultetska diploma
- •potvrda/uvjerenje o radnom iskustvu ili uvjerenje PIO/MIO (ne starije od tri mjeseca)
- •uvjerenje o državljanstvu
- •izvod iz matične knjige rođenih
- •uvjerenje o nekažnjavanju (ne starije od 3 mjeseca)
- •uvjerenje da se protiv kandidata ne vodi krivični postupak (ne starije od 3 mjeseca)
- •dokaz za tačke 3,4,5,6,7,8,9 – potpisana izjava ovjerena od strane nadležnog organa

Kandidati koji budu ušli u uži izbor bit će pozvani na intervju. Podnosioci prijava sa kojima se ne stupi u kontakt u roku od 10 dana od isteka roka za podnošenje prijava neće biti uzeti u razmatranje u daljem procesu kandidovanja.

Autor Administrator

četvrtak, 09 April 2015 11:23 - Ažurirano četvrtak, 09 April 2015 11:25

Konkurs će biti objavljen u „Službenim novinama Federacije Bosne i Hercegovine“ i dnevnom listu „Oslobođenje“ i ostaje otvoren 15 dana od dana posljednjeg javnog objavljivanja.

Prijave sa traženim dokumentima dostaviti lično ili preporučeno na adresu

SKUPŠTINA JP „BOSANSKO-PODRINJSKE ŠUME“ d.o.o. GORAŽDE

Ulica Ibrahima Popovića broj 17.

Goražde , sa naznakom

□ „**PRIJAVA NA JAVNI OGLAS**

ZA IZBOR I □ IMENOVANJE PREDSEDNIKA I ČLANOVA NADZORNOG ODBORA

□ **JP „BOSANSKO-PODRINJSKE ŠUME“ d.o.o. GORAŽDE– NE OTVARAJ“**

Nepotpune i neblagovremene prijave neće se uzeti u razmatranje.

Autor Administrator

četvrtak, 09 April 2015 11:23 - Ažurirano četvrtak, 09 April 2015 11:25

SKUPŠTINE

PREDSJEDNIK

nastave

Jasmina Omrbašić prof. raz.